

ՎԱՐՊԱՏՈՆ - 108

300 ՏԱՐԻ ԱՆՅՈՒՆՈՒԹՅԱՆ ԿՐԿԻՆ ԽՈՍԵՅՑ ԵՐԵՔ ԼԵՉՎՈՎ ՈՒ ԿՐԿԻՆ ԽԱՂԱՂՈՒԹՅԱՆ, ՍԻՐՈ ԿՈՉԵՅՑ

(Սկիզբը՝ 1-ին էջում)

Իսկ եկողը կրկին վարդով ու խոսքով իր երախտիքն ու մեծարումը բերեց արեւելք միավորող հասարակ ռամիկին, անարդարության, թշնամանքի ու նամարության դեմ խոսքով պայքարի ելած ռազմիկին, հայ, վրաց ու ադրբեջանական իրականության մեջ առաջին խաղերի հեղինակին եւ վերջապես, անմնացորդ Սիրո երգչին, ում համար կուռք էր բացփայտ ու բազմերանգ Վրաստանը:

Վարդատունը սկսվեց իր մեջ վերածնված նոր ավանդույթով, որի ակունքներում Ամենայն հայոց բանաստեղծ Յովհաննէս Թումանյանն է: Ժամանակին հայ ու վրացի գրողներն ու հասարակական գործիչները հենց Թումանյանի տանից (Ամաղ-լեբա 18), մի-մի վարդ ձեռքերին քայլել են դեպի աշուղի գերեզման՝ Սուրբ Գեւորգ եկեղեցու գավիթ, ճանապարհին պատմելով Սայաթ-Նովայի մասին ու իրենց շարքերը հավելել անցորդներով: Մեր օրերի քայլարշավի մասնակիցները նույնպես, մայիսյան վերջին կիրակի օրը, Վարդատունին, վարդերը ձեռքերին քայլեցին ու թրխիսյան տոնի ապագա տերերին փոխանցեցին օրվա անհրաժեշտությունը: Հասնելով Սուրբ Գեւորգ եկեղեցի, որի դարպասների մոտ՝ ըստ ավանդության պարսից սրից սպանվել է Սայաթ-Նովան, ներկաները մասնակցեցին Վիրահայոց թեմի առաջնորդ Տեր Կիրակոս վարդապետ Դավթյանի հանդիսապետությամբ պատարագի, որը մատուցեց Տեր Վիրապ քահանա Ղազարյանը: Հավարտ արարողության, Սայաթ-Նովայի գերեզմանի մոտ կատարվեց հոգեհանգստյան կարգ: Երգչի անկողնցելի հիշատակի մասին խոսք ասաց թեմակալ առաջնորդը:

Այնուհետեւ Գորգասալու հրապարակում կայացավ ժողովրդական մեծ տոնախմբություն, որը կազմակերպել էր «Վրացահայերի միությունը»՝ Թբիլիսիի քաղաքապետարանի, Հայաստանի Մշակույթի նախարարության, Թբիլիսիի Պ.Արամյանի անվան պետական հայկական դրամատիկական թատրոնի եւ Հայ Առաքելական եկեղեցու Վիրահայոց թեմի աջակցությամբ: Հանդիսույթի պաշտոնական մասը վարում էր «Վրացահայերի միության» նախագահ Մարի Առաքելովան, որին հաջորդած գեղարվեստականը՝ դերասանուհի Նանո Պողոսյանը: Մայրաքաղաքի ամենակոլորիտային հրապարակն իր գիրկն էր առել Վրաստանի տարբեր անկյուններից՝ Բա-

թումի, Օգուրգեթի, Ախալքալաքի, Ախալցխի, Նինոծմինդայի, Ծալկայի, Մառնեուլիի մունիցիպալիտետներից, Հայաստանից ժամանած հյուրերի՝ այդ թվում Հայաստանի գրողների միության պատվիրակությանը՝ նախագահ Էդվարդ Միլիտոնյանի ղեկավարությամբ: Այստեղ էին Վրաստանի իշխանության ներկայացուցիչներ, Վրաստանում Հայաստանի դեսպանության ղեկավարներ:

Վրաստանում Հայաստանի դեսպանության առաջին քարտուղար Դավիթ Ջանազյանը արժեւորեց Սայաթ-Նովայի գրական ժառանգության դերը աշուղական արվեստում եւ նրա բարոյական, մարդասիրական, ժողովուրդ-



Ալեքսանդր Նոնեշվիլի

միտմունք: Ուզում եմ շնորհակալություն հայտնել իմ լավագույն ընկեր Վան Բայբուրթյանին, ով հայ-վրացական բարեկամության մեջ իր մեծ ներդրումն ունի: Ընկերություն են արել մեր հայրերը, այսօր մենք, վաղը՝ մեր զավակները եւ այդպես շարունակ, հավերժորեն»:

Վրացերեն եւ, ապա իրաշալի հայերեն էր Վարդատունի մեկ այլ նվիրյալ, նախկինում Հայաստանում Վրաստանի դեսպանատան ղեկավար, այժմ Վրաստանի Արտաքին գործերի նախարարության աշխատակից, հայագետ Նինո Ափցիաուրու որդու՝ Նիկա Օվայանցիկովի խոսքը: «Տասնվեց տարի ապրել եմ Երեւանում: Հենց Սայաթ-Նովայի անվան փողոցում արել առաջին քայլերս, արտաբերել առաջին բառս: Սկզբում Սայաթ-Նովան իմ համար Երեւանի կոնսերվատորիայի դիմաց պուրակում կանգնած քամանջայով տղամարդ էր: Հետո իմացա, որ նա անասիմանորեն սիրել է Վրաստանը: Սայաթ-Նովան հենց խորհրդանշան էր այդ հավատարմության ու սիրո, նա Թբիլիսիի էշին էր, լազաթը... Եվ այսօր, 300 տարի անց պոետը կրկին երբեք լեզունեղով հիշեցնում է, որ խաղաղ Կովկասի ապագան պայմանավորված է հարեւանների բարիդրացիական հարաբերություններով: Սիրենք ու հարգենք իրար Սայաթ-Նովայի նման ու հաստատ կփրկվենք»:

Վարդատունի գեղարվեստական մասը կրկին զարդարեցին Հայաստանի Հանրային ռադիոյի աշուղական երգի Սայաթ-Նովա պետական վաստակավոր համույթը՝ ծնունդով թբիլիսցի, ՀՀ ժողովրդական արտիստ, պրոֆեսոր Թովմաս Պողոսյանի ղեկավարությամբ, վրացական «Քսովրեթի» անսամբլը, Երեւանի պետական մանկապարտեզի շառլ Ազնավուրի անվան մշակութային կենտրոնի պարային համույթը, ծնունդով Նինոծմինդայի մունիցիպալիտետի Դաուրյան գյուղից, այժմ Երեւանաբնակ աշուղ Լեյլի Եփրիկյանը, հայ ու վրացի սիրված երգիչներ Արմեն Մանիջոյանը, Բաֆֆի Հակոբյանը, Էդար Շոշիտաշվիլին, Նինա Կարապետյանը, Հենրիխ Պետրոսյանը, Արդա Բազոյանը, «Ախալցխի» ազգագրական պարի համույթը (գեղ.դեկ.՝ Վերոնիկա Համբարյան), Թբիլիսիի «Ջեյրան» (գեղ.դեկ.՝ Սվետլանա Երիցյան), «Վանք» (գեղ.դեկ.՝ Լիանա Կաշավանիձե) պարային համույթները, «Հայարտուն» կենտրոնի դուդուկահարների խումբը (դեկ.՝ Իվանե Սկրտչյան):

ՋՈՒԼԻԵՏԱ ԲԱՂՆԱՆՆԱ
ԳՅՆԱՆԵ ԲՈՍՏԱՆՅԱՆ



Ջախից՝ Մաղվալա Գոմաշվիլին, Էդվարդ Միլիտոնյանը եւ Մարի Առաքելովան

ների բարեկամության մնայուն գաղափարները, որոնք սերունդներին փոխանցելու կարելու գործունե համարեց թրխիսյան ու հայաստանյան «Վարդատունները»:

Խոսելով տոնի մասին, Թբիլիսիի սակրեբուլոյի փոխնախագահ Ջուրաբ Աբաշիձեն ընդգծեց, որ Վարդատունը լավագույն խորհրդանշան է երկու բարեկամ ժողովուրդների, որը տոնելու պատիվն ունի Թբիլիսին:

Վրաստանի գրողների միության նախագահ Մաղվալա Գոմաշվիլին նշեց, որ Սայաթ-Նովայի խոսքն արդեն 300 տարի շարունակում է հայ ու վրաց ժողովուրդների ամենակարեւոր ուղերձը մնալ ու համախմբմանը ծառայել: Նա ուրախությամբ խոսեց վրաց ու հայ գրողների միջեւ ծնւնվող բարեկամության կապերի մասին՝ խոսքի ավարտին «Տիցիան Տաբիձեի անվան մրցանակը» հանձնելով հայ գործընկերոջը՝ Էդվարդ Միլիտոնյանին: Ներկաներին հայերեն, վրացերեն եւ ադրբեջաներեն ողջունեց Վրաստանի խորհրդարանի նախկին պատգամավոր, նախագահի խորհրդական, «Վրաստան» թերթի գլխավոր խմբագիր Վան Բայբուրթյանը, ով, ի դեպ, 45-րդ անգամ էր մասնակցում Վարդատունին:

Հաճելի էր հատկապես Վարդատունին տեսնել նրանց, ում ծնողներին տեսել ու լսել են մեր ծնողները, տատիկներն ու պապիկները: Այդ տեսանկյունից խորհրդանշական էր վրաց անվանի բանաստեղծ, Վարդատունի մշտական մասնակից ու Սայաթ-Նովային ծոնված բանաստեղծությունների հեղինակ Իոսեֆ Նոնեշվիլու (1918-1980) որդու՝ Անդրիա Ափաքիձեի անվան հնագիտական ինստիտուտի տնօրեն, պրոֆեսոր Ալեքսանդր Նոնեշվիլու

ԴՊՐՈՑ

«ՎԵՐՋԻՆ ԶԱՆԳԻ» ԴՈՂԱՆՋՆԵՐՈՎ՝ ԴԵՊԻ ՄԵԾ ԿՅԱՆՔ

ԹԲԻԼԻՍԻ

ԹԱՄԱՐ ՄԱՃԱՐԱՇՎԻԼԻ. «ՕԳՆԵՆՔ ԿՅԱՆՔ ՏԱԼ ՄԵՐ ԴՊՐՈՑԻ ՀԱՅՎԱԿԱՆ ԲԱԺՆԻՆ»



Մայիսի 20-ին Գլխի թաղամասում գտնվող Թբիլիսիի թիվ 132 հանրային դպրոցի 12-րդ դասարանի աշակերտների համար հնչեց «Վերջին զանգը»: Դպրոցին հրաժեշտ տվեց վեց աշակերտ: Այդ, դա կրթության ամենափոքրաքանակ դասարանն էր, նրա, այսպես ասած, հայկական բաժինը, որի գոյատևումը հնարավոր էր դարձել դպրոցի տնօրեն Թամար Մաճարաշվիլու շնորհիվ:

Ցավոք, այս շրջանավարտները վերջինն էին մեր դպրոցի հայկական բաժնում, սակայն դեռ ուշ չէ: Բերեք 15 աշակերտ, եւ ես կբացեմ հայկական բաժինը,- իր խոսքում շեշտեց տնօրենը:

Օրվա հերոսները՝ Լիկա Ղազարյանը, Վիկտորյա Բախչոյանը, Արմեն Մարտիգյանը, քույր-եղբայր եվա եւ Դանիել Սարոյանները, Սարգիս Խատոյանը իրենց երախտիքը բերեցին սիրելի տնօրենին, դասղեկին՝ Հասմիկ Դոնականյանին, ավանդող ուսուցիչներին:

ՄԱՌՆԵՈՒԼԻ

ՆՐԱՆՔ ԿՂԱՌԱՆՎԱՆ ՎՐԱՍՏԱՆԻ ԱՐԺԱՆԻ ԲԱՂԱՔԱՅԻՆԵՐ

Մայիսի 20-ին, Մառնեուլիի մունիցիպալիտետի Աղբյուրիի հայաբնակ գյուղի դպրոցում հնչեց 12-րդ դասարանիցների «Վերջին զանգը»:

Ընդհանուր խառնաշփոթի մեջ բոլորը ժպտում են: Շրջանավարտների կողքին են երկրում հարգված ու ճանաչված, դպրոցի վրաց լեզվի ուսուցիչ, տնօրեն Վիոլետա Սուբի-այանը, դասղեկ՝ դպրոցի քիմիա-բիոլոգիա առարկաների ջանադիր եւ բազմակատակ ուսուցիչ Ջվարթ Մելիքջանյանը, խորհրդատու ուսուցիչ, վրացերեն լեզվի մասնագետ Նարինե Մելիքիձեն, ռուսերեն լեզվի ուսուցիչ Նինո Կելիշվիլին, մյուս բոլոր ուսուցիչներն ու ծնողները: Բոլորը հույսերով ու մաղթանքներով ճանապարհում են իրենց կրթության 77-րդ շրջանավարտներին:

ԲՈՐԺՈՒՄ

Ինչպես «Վրաստան» թերթին հաղորդեց Բորժոմիի մունիցիպալիտետի Մոլիթ գյուղի դպրոցի տնօրեն Ալբերտ Հարությունյանը, Տաբատուրի գյուղն ունի 7 շրջանավարտ, 4 առաջին դասարանից: Բալանթա գյուղի հայկական բաժնի շրջանավարտների թիվը 3-ն է, դպրոցի վրացերենի բաժինը ունի 1 շրջանավարտ, առաջին դասարանում 2 աշակերտ: Մոլիթի գյուղի հանրակրթական դպրոցի 9-րդ դասարանի ավարտողների թիվը 5-ն է, առաջին դասարան ընդունվածներինը՝ 2:

Խորագրի նյութերը պատրաստեց
ՋՈՒԼԻԵՏԱ ԲԱՂՆԱՆՆԱ

Ի ԳԻՏՈՒԹՅՈՒՆ ԾՆՈՂՆԵՐԻ

ՄԵԿՆԱՐԿԵԼ Է ԱՌԱՋԻՆ ԴԱՍԱՐԱՆՑԻՆԵՐԻ ՀԱՄԱՐԱՅԻՆ ԳՐԱՆՑՈՒՄԸ ԷԼԵԿՏՐՈՆԱՅԻՆ ԳՐԱՆՑՈՒՄԸ



Մայիսի 24-ից Վրաստանի կրթության եւ գիտության նախարարությունը սկսել է Վրաստանի հանրային հաստատություններում առաջին դասարանից համընդհանուր էլեկտրոնային գրանցումը, որը կավարտվի հունիսի 15-ին:

Կրթության նախարարությունից հայտնում են, որ գրանցումն իրականացվում է էլեկտրոնային եղանակով՝ կրթության կառավարման տեղեկատվական համակարգի պաշտոնական կայքի register.emis.ge-ի միջոցով՝ երեխայի ծնողի կամ նրա օրինական ներկայացուցչի կողմից:

Երեխայի գրանցման համար անհրաժեշտ փաստաթղթերը դպրոցներ կներկայացվեն 2022 թվականի հունիսի 16-ից մինչև հունիսի 30-ը: Սահմանված ժամկետներում փաստաթղթերը չներկայացնելու դեպքում գրանցումն ավտոմատ կերպով կչեղարկվի:

Վրաստանի հանրակրթական հաստատության առաջին դասարան սովորողին ընդունելու համար անհրաժեշտ փաստաթղթերից են աշակերտի օրինական ներկայացուցչի դիմումը, որը պետք է ներառի օրինական ներկայացուցչի բնակության վայրի եւ հեռախոսահամարի մասին տեղեկատվություն, աշակերտի ծննդյան վկայականի կամ նույնականացման վկայականի պատճենը կամ Վրաստանում բնակության թույլտվության պատճենը (եթե այդպիսիք կան), օրինական ներկայացուցչի նույնականացման քարտի պատճենը կամ Վրաստանում բնակությունը հաստատող փաստաթղթի պատճենը (եթե այդպիսիք կան):

Փաստաթղթերը օտար լեզվով ներկայացնելու դեպքում դրանք պետք է ուղեկցվեն վրացերեն թարգմանությամբ՝ Վրաստանի օրենսդրությամբ սահմանված կանոններով:

Հիշեցնենք, որ «Հանրակրթության մասին» օրենքում կատարված փոփոխության համաձայն՝ 2022-2023 ուսումնական տարում առաջին դասարան կընդունվեն այն երեխաները, ովքեր մինչև հոկտեմբերի 1-ը կդառնան 6 տարեկան:

Որոշումն ընդունվել է Վրաստանի կրթության եւ գիտության նախարարության եւ խորհրդարանի կրթության եւ գիտության հանձնաժողովի համատեղ որոշմամբ՝ քաղաքացիների խնդրանքով:

Երրորդ փուլի՝ համընդհանուր էլեկտրոնային գրանցման ավարտից հետո, հուլիսի 4-ից հուլիսի 12-ը կմեկնարկի դպրոցների գրանցման 4-րդ փուլը: Այս փուլում թափուր տեղերը կօգտագործվեն I, II եւ III փուլերում չգրանցված կամ իրենց գրանցումը փոխել ցանկացող աշակերտների գրանցման համար: Վրաստանի կրթության եւ գիտության նախարարությունը կոչ է անում ծնողներին ուշադիր ուսումնասիրել գրանցման պայմանները, որպեսզի իրենց երեխան կաողանա ժամանակին եւ անխափան մուտք գործել դպրոց:

ԿԱՐԻՆԵ ՄԱՆՈՒԿՅԱՆ

ՀՐԱՏԱՊ

ՎԱՌԵԼԱՆՅՈՒԹԻ ԳՆԵՐԸ ՆՎԱՉԵՅԻՆ 10-20 ԹԵԹՐԻՈՎ

ԴԱ ԱՌԱՎԵԼԱԳՈՒՅՆ ԷՐ, ՈՐ ՀԱՋՈՂԿԵՑ ԿԱՌԱՎԱՐՈՒԹՅԱՆ ՈՒ ՄՐՑԱԿՑՈՒԹՅՈՒՆՆԵՐԻ ԳՈՐԾԱԿԱԼՈՒԹՅԱՆԸ

Ի պատասխան հաղորդակցությունների գործակալության կողմից կառավարությանը ներկայացրած հաշվետվության՝ նավթամթերքներ ներկրողները պատասխանեցին այդ հուլիսի 20 թեթրիով էժանացմամբ:



Հնայած բազում ապացույցների, որ վառելանյութի գները արհեստականորեն էին ավելացված, եւ իրականում առկա էր սպառողական գինը 50-60 թեթրիով նվազեցման հնարավորություն, ոլորտի ներկայացուցիչները պահպանեցին բարձր գները, ինչը վնաս է հասցնում բոլորին՝ շարքային քաղաքացիներին, տնտեսության բոլոր ոլորտներին: Ամենայն հավանականությամբ, վառելանյութի սպառողական գների նվազեցման հերթական փուլը չի նախատեսվում, թեւեւ մրցակցության գործակալությունը հավաստիացնում է, որ կշարունակի ոլորտի մոնիտորինգը:

Հատկանշական է, որ մի քանի օր առաջ չբեռնավորված ավտոլցակայանները 5-10 թեթրիով նվազեցրին սպառողական գները, իսկ բեռնավորված ավտոլցայաններում այդ ցուցանիշը կազմեց 20 թեթրի: Թեւեւ այդ հանգամանքը գրեթե ոչ մի ազդեցություն չունեցավ բնակչության վրա: Փորձագետների հավաստմամբ, գների տարբերությունը գրեթե չի զգացվի, եթե դրա կտրուկ փոփոխությունը չլինի:

Վառելանյութի սպառողական գնի նվազեցման պատճառը Վրաստանի էկոնոմիկայի նախարար Լեւան Դավիթաշվիլին համարում է վառելանյութի շուկայի վերաբաշխումը: Երկրի խորհրդարանում իր ելույթի ժամանակ նախարարը նշեց, որ կառավարությունը, մրցակցության գործակալության հետ միասին, մանրամասն ուսումնասիրեց վառելանյութի շուկայում ստեղծված իրա-

վիճակը պարզելու համար, թե ինչ հնարավորություններ կան սպառողական գների նվազեցման ուղղությամբ:

Հարցին, թե նավթամթերքների ընկերություններն ունեին, արդյոք, սպառողական գների առավել նվազեցման հնարավորություն, եւ ի՞նչ քայլեր պետք է ձեռնարկվեին սպառողական գների վրա ազդեցություն գործելու համար, Մրցակցության ազգային գործակալության փոխտնօրեն Լեւան Կալանդաձեն պատասխանեց, որ ոլորտում ակտիվ մոնիտորինգ է իրականացվում, հստակեցվում է, թե գերատեսչությունն ինչպես է ներգրավվելու սպառողական գների նվազեցման գործընթացին: Ինչպես տեսաք, գները մի փոքր նվազեցին:

- Թե որքանով է դա բավարար, դժվարանում են պատասխանել: Վառելանյութի շուկայի մոնիտորինգը շարունակվում է, հուսով ենք, կպարզվի, թե ինչպես ենք արձագանքելու այդ գործընթացին: Հավաստիացնում ենք, անհրաժեշտության դեպքում, մրցակցության գործակալությունը կընդունի համապատասխան որոշում,- հայտարարեց Լեւան Կալանդաձեն:

Հիշեցնենք, որ, չնայած Մրցակցության գործակալության կողմից երկրի կառավարությանը ներկայացրած հաշվետվությանը, նավթամթերքների գործարարները շարունակում են աշխատել բարձր շահույթով: Այսօր վստահությամբ կարելի է ասել,

որ ինչպես գլոբալ, այնպես էլ՝ տեղական պարամետրերի հաշվառմամբ, վառելանյութի մեկ լիտրի հաշվով ընկերությունները ստանում են մոտ 60 թեթրիի մաքուր շահույթ: Ակնհայտ է, որ նման պարագայում կառավարությունը պարտավոր է անմիջապես արձագանքել: Ակնհայտ է նաեւ, որ վառելանյութի ոլորտի գործարարները, իրավիճակի լարվածության թուլացման նպատակով, հաշվի առնելով մրցակցության գործակալության հաշվետվությունը, ստիպված եղան վառելանյութի սպառողական գինը նվազեցնել 20 թեթրիով, ինչը, բնականաբար, բավարար համարել չի կարելի: Ակնհայտ է նաեւ, որ լարիի կուրսի ամրացումը չբավարարեց նավթամթերքի սպառողական գների նվազեցման պահանջները: Փորձագետների գնահատմամբ՝ վառելանյութի սպառողական ներկայիս գները ձեռնտու են միայն նավթամթերքի ներկրման գործարարությամբ զբաղվողներին եւ ոչ թե՛ բնակչությանն ու երկրում տնտեսական գործունեությամբ զբաղվող գործարարներին: Ըստ երեւույթին, ժամանակն է, որպեսզի կառավարությունն է՛լ ավելի միջոցներ ձեռնարկի վառելանյութի շուկայում առողջ մրցակցային պայմաններ ստեղծելու համար:

ՅՈՒՐԻ ԽՈՐԵՆՅԱՆ

ԲԱՆԿԱՅԻՆ ՀԱՄԱԿԱՐԳ



«ԼԻԲԵՐԹԻ ԲԱՆԿԻ» ՀԱՄԱՐ ՄԵԾ ԴԱՏԱՍԽԱՆԱՏՎՈՒԹՅՈՒՆ ՈՒ ԴԱՏԻՎ Է ԲԱՅԱՌԻԿ ԵՆԹԱԿԱՌՈՒՅՅՆԵՐՈՎ ՄՊԱՍԱՐԿԵԼ ՍՈՑԻԱԼԱԿԱՆ ՆՊԱՍՏՆԵՐ ՄՏԱՅՈՂ ԱՆՁԱՆՑ

ԲԸ «Լիբերթի բանկը» հաղթեց ՀիՒԱ «Սոցիալական սպասարկման գործակալության» կողմից հայտարարված «Դրամական փոխանցումների» հանձնման եւ գրանցման համար անհրաժեշտ բանկային սպասարկումների մրցույթում: Մրցույթում նախատեսված նոր պայմաններն ուժի մեջ կմտնեն 2023 թվականի հունվարից:

Ինչպես հայտարարեց «Լիբերթի բանկի» փոքր եւ միջին գործարարության ուղղությունների տնօրեն Վաթա Մենաբդեն՝ «Լիբերթի բանկի» համար վերոնշյալ սպասարկման իրականացումը տասնամյակների պատմություն ունի եւ համընդհանուր է նրա գործունեության գլխավոր ուղղությունը: «Լիբերթի բանկի» բացառիկ ենթակառուցվածքը, համակարգերը, գործընթացներն ու աշխատակիցների գիտելիքներն ու ունակությունները լրիվությամբ հարմարեցվել են հենց այդ գործունեության օպերատիվ զարգացման համար: Քսան տարվա ընթացքում «Լիբերթի բանկը» ստեղծել է դրամական փոխանցումների օպերատիվ անընդմեջ եւ անվտանգ ու երկրամասի համար աննախադեպ ու բացառիկ մասնաճյուղերի ցանց՝ ավելի քան 400 մասնաճյուղերն ու 100 շարժական սերվիսներն ունենալով սպասարկում եւ ավելի քան 1300 գյուղերի ու 64 մունիցիպալիտետների: Այդ թվում 5 մունիցիպալիտետներում գործում են միայն «Լիբերթի բանկի» սպասարկման կենտրոններ, իսկ 12-ում, «Լիբերթի բանկից» բացի, ներկայացված են մեկական այլ բանկեր: 1100 գյուղեր, որոնց սպասարկում է «Լիբերթի բանկը», գտնվում են մունիցիպալային կենտրոնից առնվազն 5 կիլոմետր հեռավորության վրա: Հատուկ նախապատրաստված աշխատակիցները, տներ այցելելով, սպասարկում են ավելի քան 30 հազար շահառուների, ովքեր

ֆիզիկապես չեն կարող այցելել բանկ կամ ապրում են բարձրալեռ բնակավայրերում:

- «Լիբերթի բանկը» Վրաստանում խոշոր գործատուներից մեկն է, այն ունի ավելի քան 4500 աշխատակից:

Բանկը մշտապես բարելավում է սպասարկումները եւ իր շահառուներին առաջարկում բանկային սպասարկումների եւ ծառայությունների լրացուցիչ փաթեթեր ու արտոնությունների հատուկ ծրագրեր:

2017 թվականից «Լիբերթի բանկը» իրականացնում է կորպորացիոն սոցիալական պատասխանատվության բացառիկ ծրագրեր եւ նախագծեր, որոնք հատուկ մշակված են վերոնշյալ պայմանագրի շահառուների համար:

2021 թվականին բանկի կողմից անցկացված ուսումնասիրությունը ցույց տվեց, որ բանկի սպասարկումներից գոհ է շահառուների 90 տոկոսը:

Ուրախ ենք, որ վերոնշյալ մրցույթն անցկացվեց թափանցիկության եւ, ամենկարելիքը, շահագրգռված բոլոր կողմերի ներգրավմամբ: Հիշեցնենք, որ «Լիբերթի



բանկը» ինքը պահանջեց վաղաժամկետ անցկացնել մրցույթը եւ, որ հաղթողը հայտարարվեց բաց ու թափանցիկ մրցակցության պայմաններում: Դա մեզ համար պատիվ է եւ, միաժամանակ, մեծ պատասխանատվություն: Նոր «Լիբերթի բանկի» նոր ռազմավարության շրջանակներում՝ մենք կշարունակենք առաջընթացը, ծրագրել ենք նորություններ, նոր առաջարկություններ բանկային սպասարկումներում ու ծառայություններում եւ, համոզված ենք, որ հաջորդ տարիների ընթացքում արժանապատվորեն կսպասարկենք մեր շահառուներին, առանձնապես ավագ սերնդի սպառողներին,- ընդգծեց Վաթա Մենաբդեն:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱԿԱԶՊՐԵՍԻ ՆՅՈՒԹԵՐՈՎ

2021 ԹՎԱԿԱՆԻ ԲՅՈՒՋԵԻ ԵԿԱՄՏԱՅԻՆ ՄԱՍԸ ԳԵՐԱԿԱՏԱՐՎԵԼ Է 147 ՄԻԼԻԱՐԴ ԴՐԱՄՈՎ

ՏՆՏԵՍԱԿԱՆՈՒԹՅԱՆ ՎԵՐԱԳՐԱՅՎԵԼ Է ԱՎԵԼԱՅՎԱԾ ԱՐԺԵՔԻ ՀԱՐԿԻ 146 ՄԻԼԻԱՐԴ ԴՐԱՄԻ ԳՈՒՄԱՐ

Մայիսի 31-ին, Հայաստանի Ազգային ժողովի մշտական հանձնաժողովների համատեղ նիստում, Հայաստանի 2021 թվականի պետական բյուջեի կատարման մասին տարեկան հաշվետվության քննարկման ժամանակ, Հայաստանի վարչապետ Նիկոլ Փաշինյանը իր խոսքում նշեց, որ հաշվետու ժամանակահատվածում բյուջեի եկամտային մասը գերակատարվել է 147 միլիարդ դրամով:

- Տնտեսական աճի ցուցանիշը 2021 թվականին նախատեսվածից ավելի եղավ, 5,3 տոկոս տնտեսական աճ ունեցանք: Նշեն, որ ի սկզբանե 3,1 տոկոս է նախատեսված եղել: Ուզում եմ հիշեցնել նաև 2021 թվականը, թե ինչ իրավիճակում ենք եղել, եւ այս առումով կարելու է ընդգծել, որ (բյուջեի) եկամտային մասը մենք գերակատարել ենք 147 միլիարդ դրամով: Ի՞նչ նկատի ունենք՝ գերակատարել ասելով: Երբ 2020 թվականին ընդունվում էր 2021 թվականի բյուջեի նախագիծը, եկամտային մաս էր արժանագրված եւ տարվա ընթացքում այդ եկամտային մասից՝ նախատեսվածից ավելի եկամուտ ենք

հավաքել,- ասաց Նիկոլ Փաշինյանը եւ հավելեց, որ եկամտային մասի հետ կապված օրենսդրական որոշակի փոփոխություններ են տեղի ունեցել, որոնք լրացուցիչ եկամուտներ են բերել:

- Առաջին հերթին խոսքը պղնձի խտանյութի արտահանման տուրքի մասին է, որն այդ առումով մոտավորապես 24 միլիարդ դրամի լրացուցիչ եկամուտ է բերել բյուջեն,- նշեց վարչապետը:

Հայաստանի Ազգային ժողովի մշտական հանձնաժողովների համատեղ նիստում «Հայաստանի Հանրապետության 2021թ. պետական բյուջեի կատարման մասին» տարեկան հաշվետվության ներկայացմանը, Նիկոլ Փաշինյանը հայ-



տարաբեց, որ երկրի կառավարությունը 2021 թվականի ընթացքում տնտեսավարողներին է վերադարձրել 146 մլրդ դրամի ավելացված արժեքի հարկի գումար՝ 2017 թվականի 60 մլրդ դրամի համեմատ, այսինքն, ավելացված արժեքի հարկի վերադարձվող գումարն ավելացել է 140 տոկոսով:

ՄԱԿ-Ի ԶԲՈՍԱՆՐՁՈՒԹՅԱՆ ՀԱՄԱՇԱՐԽԱՅԻՆ ԿԱԶՄԱԿԵՐՊՈՒԹՅԱՆ ԳԼԽԱՎՈՐ ՔԱՐՏՈՒՐԱՐ ԶՈՒՐԱՔ ԴՈԼՈՒԿԱՆՎԻՒՆ՝ ՀԱՅԱՍՏԱՆՈՒՄ



Հանդիպմանը գոհունակությամբ արձանագրվեց, որ Հայաստանի եւ ՄԱԿ-ի Զբոսաշրջության համաշխարհային կազմակերպության միջև հարաբերությունները կայուն զարգանում են: Նախագահի խոսքով, զբոսաշրջությունը շատ կարևոր ոլորտ է Հայաստանի համար եւ կառավարության կողմից հռչակվել է տնտեսության զարգացման գերակա ոլորտներից մեկը:

Հունիսի 3-ին Հայաստանի նախագահ Վահագն Խաչատուրյանն ընդունեց, ՄԱԿ-ի Զբոսաշրջության համաշխարհային կազմակերպության (ԶՀԿ) Եվրոպայի տարածաշրջանային հանձնաժողովի 67-րդ նստաշրջանին մասնակցելու նպատակով, Հայաստանում գտնվող ԶՀԿ-ի գլխավոր քարտուղար Ջուրաբ Պոլոլիկաշվիլու գլխավորած պատվիրակությանը:

Իր հերթին, ԶՀԿ գլխավոր քարտուղարը կարելու էր այն հանգամանքը, որ Covid-19 համավարակից հետո կազմակերպության առաջին նստաշրջանն անցկացվում է Երեւանում: Նա շնորհավորեց Հայաստանին 2021-2025թթ. ժամանակահատվածի համար ՄԱԿ-ի Զբոսաշրջության համաշխարհային կազմակերպության գործադիր խորհրդի անդամ ընտրվելու կապակցությամբ:

Հանդիպմանը մտքեր փոխանակվեցին համավարակով պայմանավորված զբոսաշրջության ոլորտում ի հայտ եկած մի շարք մարտահրավերների հաղթահարման, զբոսաշրջության ոլորտի զարգացման մոր ուղեւիշների մշակման եւ համագործակցության օրակարգն ավելի հարստացնելու շուրջ:

ԵԿԵՂԵՑԻՆԵՐԻ ՀԱՄԱՇԱՐԽԱՅԻՆ ԽՈՐՀՐԴԻ ՊԱՏՎԻՐԱԿՈՒԹՅՈՒՆԸ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

Մայիսի 30-ին Ն.Ա.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց կաթողիկոսը Մայր Աթոռ Սուրբ Էջմիածնում ընդունեց եկեղեցիների համաշխարհային խորհրդի (ԵՀԽ) հայաստանյան Կլոր սեղան հիմնադրամի հրավերով Հայաստանում գտնվող ԵՀԽ պատվիրակությանը՝ ուղեկցությամբ ԵՀԽ հայաստանյան Կլոր սեղան հիմնադրամի գործադիր տնօրեն Կարեն Նազարյանի:

Նորին Սրբությունը, ողջունելով պատվիրակության անդամներին, իր գնահատանքը հայտնեց ԵՀԽ-ին Հայաստանին եւ Արցախին ցուցաբերած գորակցության համար:

Հանդիպմանը կաթողիկոսը պատասխանեց նաև հյուրերի հարցերին, որոնք վերաբերում էին արցախահայության անվտանգ եւ խաղաղ կյանքի ապահովմանը, գերինների վերադարձման խնդրին, տարածաշրջանում խաղաղության ու կայունության հաստատմանը, հայկական հոգեւոր արժեքների պահպանությանը եւ այդ ուղղությամբ Մայր Աթոռի կողմից իրականացվող աշխատանքներին:



16 ՏԱՐԵԿԱՆԻՑ ԲԱՐՁՐ ԲՆԱԿՉՈՒԹՅԱՆ ՄԵԿ ԵՐՐՈՐԴԸ ԾԽՈՒՄ Է

Ամեն տարի մայիսի 31-ին նշվում է «Առանց ծխախոտի» համաշխարհային օրը, որն ԱՀԿ-ն սահմանել է 1987 թվականին՝ հանրության ուշադրությունը ծխախոտի մահացու հետեւանքների վրա հրավիրելու համար: Ծխախոտը հանրային առողջության լուրջ սպառնալիքներից է: Ամեն տարի ավելի քան 8 միլիոն մարդ է մահանում ծխախոտի օգտագործման հետեւանքով: Նրանցից ավելի քան 7 միլիոնը ծխախոտ օգտագործողներ եւ նախկին օգտագործողներ են, իսկ ավելի քան 1,2 միլիոնը՝ չծխողներ, որոնք ենթարկվում են երկրորդային ծխի ազդեցությանը:

Հայաստանի առողջապահության նախարարությունը տեղեկացնում է, որ, Հայաստանում իրականացված հետազոտությունների տվյալների համաձայն, 16 տարեկանից բարձր բնակչության 27,9 տոկոսը ծխում է: Ծխողների գերակշիռ մասը տղամարդիկ են (տղամարդկանց՝ 51,5 տոկոսը, կանանց՝ 1,8 տոկոսը), դեռահասների շրջանում՝ կյանքում երբեք ծխախոտ օգտագործել են 15 տարեկան տղաների 21 տոկոսը եւ աղջիկների 3 տոկոսը:

Հայաստանում ամեն տարի ծխախոտով պայմանա-

վորված հիվանդություններից մահանում է ավելի քան 5500 բնակիչ: Ծխախոտային արտադրատեսակների եւ դրանց փոխարինիչների բոլոր տեսակները վնասակար են առողջության համար, չկա դրանց անվնաս չափաբաժին:

2020 թվականի փետրվարի 13-ին ընդունվել է «Ծխախոտային արտադրատեսակների եւ դրանց փոխարինիչների օգտագործման հետեւանքով առողջությանը հասցվող վնասի նվազեցման եւ կանխարգելման մասին» օրենք, որով նախատեսված սահմանափակումները տա-

րածվում են ծխախոտային բոլոր արտադրատեսակների եւ դրանց փոխարինիչների վրա:

Օրենքի համաձայն՝ արգելվում են ծխախոտի օգտագործումը բոլոր փակ եւ որոշ բաց հանրային վայրերում (այդ թվում՝ առողջապահական, կրթական, մշակույթի հաստատություններում, հյուրանոցային տնտեսության օբյեկտներում, փակ եւ բաց սննդի օբյեկտներում), գովազդի, իրացման (վաճառքի) խթանման եւ հովանավորության բոլոր ձևերը, գործում են նաև այլ դրույթներ: Օրենքը միտված է ներկա եւ ապագա սերունդներին պաշտպանելու առողջության վրա ծխախոտային արտադրատեսակների օգտագործմամբ պայմանավորված բացասական ազդեցությունից, ինչպես նաև՝ բնակչության ընկալումներում ծխախոտային արտադրատեսակների, դրանց փոխարինիչների օգտագործումը որպես անառողջ եւ մերժելի վարքագիծ արմատավորելը:

ՀԵՐԱԽՈՍԱԳՐՈՒՅ՝ Ն.ՓԱՇԻՆՅԱՆԻ ԵՎ Վ.ՊՈԼՏԻՆԻ ՄԻՋԵՎ

Հունիսի 1-ին հեռախոսազրույց է տեղի ունեցել Հայաստանի Հանրապետության վարչապետ Նիկոլ Փաշինյանի եւ Ռուսաստանի Դաշնության նախագահ Վլադիմիր Պուտինի միջև:

Ձրույակիցները քննարկեցին Հայաստան-Ռուսաստան երկկողմ օրակարգի մի շարք հարցեր, անդրադարձել տարածաշրջանային խնդիրներին, հայ-ադրբեջանական սահմանային իրադրությանը, կոմունիկացիաների բացման խնդրին:

Նիկոլ Փաշինյանը ՌԴ նախագահի հետ տպավորություններ է կիսել Բրյուսելյան վերջին հանդիպումից եւ մրահոգություն հայտնել հանդիպմանը հաջորդած քննարկումների էության հետ կապ չունեցող մեկնաբանությունների առիթով:

ՆԳԱՍՏԱՆՈՒ ԲՆԱՍԻՐԵՆԵՐԻ ԹԻՎԸ ՆՎԱՅԵԼ Է

Հայաստանում, նախորդ տարի վարչարարության արդյունքում, շուրջ 10 հազարով նվազել է նպաստառու ընտանիքների թիվը: Այդ մասին նշվեց Ազգային ժողովի մշտական հանձնաժողովների համարեղ նիստում 2021թ. պետական բյուջեի հաշվետվության քննարկմանը:

Նշվեց, որ 2021-ին, պետբյուջեից տարեկան, հաշմանդամություն ունեցող անչանց, կանանց եւ երեխաների հիմնահատկության լուծմանը փաստացի ուղղվել է շուրջ 7.3 մլրդ դրամ: Զբաղվածության խնդիրների լուծման ուղղությամբ ծախսվել է շուրջ 1.7 մլրդ դրամ:

Անապահով սոցիալական խմբերին աջակցության, անաշխատունակության դեպքում սոցիալական աջակցության, ժողովրդագրական վիճակի բարելավման ուղղությամբ ծախսվել է շուրջ 78.3 մլրդ դրամ, որից 30.4 մլրդ դրամն ուղղվել է ընտանիքի կենսամակարդակի բարձրացմանն ուղղված նպաստներին:

3760 ՕՏԱՐԵՐԿՐԱՅԻ՝ ՀԱՅԱՍՏԱՆԻ ԲՈՒՇԵՐՈՒՄ

Հայաստանի ուսումնական հաստատություններից ստացված տվյալների համաձայն Հայաստանի կրթության, գիտության, մշակույթի եւ սպորտի նախարարության համապատասխան սպորտաբաժանումը քարտեզագրել եւ ամփոփել է 2021-2022 ուստարում Հայաստանի ուսումնական հաստատություններում սովորող օտարերկրյա եւ սփյուռքահայ ուսանողների վերաբերյալ տեղեկությունները՝ ըստ բուհերի եւ երկրների: Այդ տվյալներով, 2021-2022թթ. ուսումնական տարում Հայաստանում գործող միջազգային բուհերում սովորող օտարերկրացի ուսանողների թիվը 354 է, իսկ միջին մասնագիտական ուսումնական հաստատություններում սովորող սփյուռքահայերի թիվը՝ 471:

Ընթացիկ ուսումնական տարում Հայաստանի ուսումնական հաստատություններում սովորում է 3.760 օտարերկրացի եւ 4.248 սփյուռքահայ ուսանող:

ԵԿԵՂԵՑԱԿԱՆ

05.06.2022 Հոգե-գալուստ (Պենտեկոստ)

Առաքյալների վրա Սուրբ Հոգու իջման հիշատակության տոնն է, որ տեղի է ունեցել Աբ. Հարության հիսու-ներորդ օրը: Այդ պատ-ճառով էլ Հոգեգալուս-տը միշտ տոնում են Ջատկից հիսուն օր հետո:

Հայ Առաքելական եկեղեցու կողմից սահմանված տարվա չորս եղանակի պահքերից սա ամառ-

ՀՈՒՆԻՍ



նամուտի շաբաթ-պահքն է: Ամառվա այս պահքն սկսվում է Հո-գեգալուստյան կիրակիի հաջորդ օրը (պահքի բարեկենդանը՝ Հոգե-գալուստյան կիրակի): Ջատկի օրվա փոփոխ-ման հետ՝ պահքի սկիզ-բը կարող է փոփոխվել մայիսի 11-ից մինչև հունիսի 14-ն ընկած ժամանակահատվածում: Մյուս եղանակների պահքերի նման, այս պահքը եւս տևում է 5 օր՝ երկուշաբթիից մինչև ուրբաթ:

ՏՐԱՆՍՊՈՐՏ

ՀՈՒՆԻՍԻ 14-ԻՅ ՍԿՍՎՈՒՄ ԵՆ ԵՐԵՎԱՆ-ԲԱԹՈՒՄԻ-ԵՐԵՎԱՆ ԵՐԿԱԹՈՒՂԱՅԻՆ ՈՒՂԵՎՈՐԱՓՈԽԱՐՈՒՄՆԵՐԸ

«Հարավկովկասյան երկաթու-ղի» ընկերությունը հունիսի 14-ից կսկսի իրականացնել ամառա-յին ուղևորափոխադրումներ՝ Երե-ւան-Բաթումի-Երեւան երթուղով:



Ամառային ուղևորափոխադ-րումների սեզոնը կտևի մինչև սեպտեմբերի 30-ը:

Ի տարբերություն նախորդ տարիների՝ Բաթումի երթուղով փոխադրումը կիրականացվի շա-բաթական երկու անգամ՝ Երեւա-նից երեքշաբթի եւ ուրբաթ օրե-րին, Բաթումից մեկնումը՝ չորեք-շաբթի եւ շաբաթ օրերին:

Շաբաթվա մյուս օրերին ու-ղևորափոխադրում կիրականաց-նի Երեւան-Թբիլիսի-Երեւան եր-թուղով, ուղևորությունը Երեւա-նից՝ երկուշաբթի, չորեքշաբթի, հինգշաբթի, շաբաթ, կիրակի օրե-րին, իսկ ուղևորությունը Թբիլի-սիից՝ երկուշաբթի, երեքշաբթի,

հինգշաբթի, ուրբաթ, կիրակի օրե-րին: Երկու միջազգային երթու-ղիների համատեղումը կապված է Թբիլիսիի ուղղությամբ պահան-ջարկի մեծացման հետ:

Երկու միջազգային գնացքնե-րը ներառում են ժամանակակից, հարմարավետ վագոններ, որոնք ձեռք են բերվել ՀԿԵ-ի կողմից 2021 թվականին: Վագոնները հա-մարված են ժամանակակից օդո-րակման համակարգով, Wi-Fi-ով, հաշվամղամություն ունեցող ան-ձանց համար նախատեսված հար-մարություններով:

ՍՊՈՐՏ

ԲՈՆՃԵՍՏԱՐՏ. ՄԵՐ ԱՐՏՅՈՒՆ ԳՈՍՅՅԱՆԸ՝ ԵՎՐՈՊԱՅԻ ԶԵՄՊԻՈՆ

ՏԱՐԲԵՐ ԱՐԺՈՂՈՒԹՅԱՆ 4 ՄԵՂԱԼՈՎ՝ ՎՐԱՍՏԱՆԸ ԹԻՍԱՅԻՆ ՀԱՇՎԱՐԿԻ ՀԱՂՈՐ

Մայիսի 23-30-ը երեւանում անցկացվեց բռնցքամարտի Եվրո-պայի առաջնությունը, որին մասնակցեց 39 երկիր ներկայացնող 219 մարզիկ:

Երեւանյան մրցաշարում 57-60 կգ քաշային կարգում Եվրոպայի չեմպիոնի կոչումը նվաճեց ախալքալաքցի Արտյուշ Գոմցյանը:

«Վրաստան» թերթի հետ հեռախոսազրույցում Արտյուշի մարզիչ, Վրաստանի հավաքականի մար-զիչներին, Վրաստանի վաստակավոր մարզիչ, Ախալքալաքի մարզահամալիրի տնօրեն Ատոն Էլիզբարյանն ասաց.

- Մեզ համար, իրոք, ուրախալի օր է: Երեւանի ֆիզիկական կուլտուրայի ինստիտուտի հեռակա բաժնի ուսանող, մեր ախալքալաքցի, 23-ամյա Արտյուշ Գոմցյանը հիանալի համդես եկավ երեւ-անյան մրցաշարում, հաղթելով չորս մրցամարտե-րում: Նա Ախալքալաքիում առաջինը դառնալով Եվրոպայի չեմպիոն, գլխավորեց ախալքալաքցի այն բռնցքամարտիկների ցուցակը, ովքեր արժա-նացել են մայրցամաքի, աշխարհի առաջնության արժաթ եւ բրոնզե մեդալների, մասնակցել մի-ջազգային մրցաշարերի:

Երեւանյան մրցաշարում Վրաստանի հավաքա-կանն իր ակտիվում գրանցած 4 (երեք ոսկե, մեկ արծաթե) մեդալներով դարձավ թիմային հաշվար-

կի հաղթող: Արտյուշից բացի, Եվրո-պայի չեմպի-ոնի կոչումը նվաճեցին Գեորգի Կուշ-ինաշվիլին (80-86 կգ),

Սախիլ Ալախվերդովը (46-48 կգ քաշային կարգ), իսկ 63,5-67 կգ քաշային կարգում Լաշա Գուրու-լին արժանացավ արծաթե մեդալի,- հայտնեց Ատոն Էլիզբարյանը:

Հայաստանի հավաքականը եւս իր ակտիվում գրանցեց 4 (մեկ ոսկե, երկու արծաթե եւ մեկ բրոն-զե մեդալներ) եւ թիմային հաշվարկում զբաղեց-րեց 5-րդ հորիզոնականը: Երրորդ անգամ Եվրո-պայի չեմպիոնի տիտղոսը նվաճեց Հովհաննես Բաշկովը (63,5 կգ), Եվրոպայի փոխչեմպիոն դար-ձան Արթուր Բազեյանը (57 կգ) եւ Ռաֆայել Հով-հաննիսյանը (81 կգ), իսկ Նարեկ Մանասյանը (92 կգ) նվաճեց բրոնզե մեդալ:



Եվրոպայի չեմպիոն Արտյուշ Գոմցյանը Ախալքալաքի մունիցիպալիտետի սակրեբուլոյի նախագահ Նաիրի Իրիցյանի հետ

ՃԱՐԱՍՏԱՐՏ. ՆԵՐԿԱ ԴՐՈՒԹՅԱՄԲ ԵՐԿՈՒ ԱՐԾԱԹԵ, ՄԵԿ ԲՐՈՆԶԵ ՄԵՂԱԼ՝ ՎՐԱՍՏԱՆԻ, ՄԵԿ ՈՍԿԵ ՄԵՂԱԼ՝ ՀԱՅԱՍՏԱՆԻ ՀԱՎԱՔԱԿԱՆԻ ԳԱՆՁԱՐԿՐՈՒՄ

Ալբանիայի մայրաքաղաք Տիրանայում շարունակվում է Եվրոպայի ծանրամարտի հորեյլանական 1000-րդ առաջնությունը, որին մասնակցում են 39 երկրների 324 մարզիկ-մարզուհիներ:

Մրցաշարի բացմանը վրաց հանրահայտ ծան-րամարտիկ, աշխարհի, Եվրոպայի եւ Օլիմպիա-կան խաղերի բազմակի չեմպիոն ու ռեկորդակիր Լաշա Տալախաձեին հանձնվեց 2021 թվականի լավագույն ծանրորդի մրցանակը:

Ինչ վերաբերում է առաջնության ընթացքին, ապա, այսօրվա դրությամբ, Վրաստանի հավա-քականն իր ակտիվում գրանցել է երկու արծա-թե եւ մեկ բրոնզե մեդալ: Աչքի են ընկել 67կգ

քաշային կարգում Շոթա Միշվելիձեն (արծաթ), 73կգ քաշային կարգում Կախի Ասանիձեն (ար-ծաթ) եւ 89կգ քաշային կարգում՝ Ռեւազ Դավի-թաձեն (բրոնզ):

Ներկա դրությամբ Հայաստանի հավաքակա-նի կազմում աչքի է ընկել Ռաֆիկ Հարությունյա-նը, ով 81կգ քաշային կարգում նվաճեց մայրցա-մաքի ուժեղագույնի կոչումը:

Առաջնությունը ընթացքի մեջ է:

		1		2		3		4		5		6
7								8				
						9						
10	11		12					13	14		15	
						16		17		18		
19		20		21								
		22					23	24		25		26
27						28		29				
				30				31			32	
33	34		35							36		
	37					38		39		40		
41							42			43		44
			45	46					47			
48						49						
			50						51		52	
53						54					55	
			56						57			

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Դանդաղ, կամաց: 8.Արծակա-գիր, գեղանկարիչ ... Այվազյան: 9.Հողի մակերե-սի տարածաչափ = 4047 քմ: 10.Բուլղարացի կույր պայծառատես: 13.Աչքի ... թըցնող: 18.Մեխանիզմ: 19.Ֆիզիկայի բաժին: 22.Ժողովրդական երգիչ: 23.Քիմիկոս ... Մենդելեև: 27.Այրված փայտի մնա-ցորդ: 29.Ջրլող թռչուն: 30.Վանդակաձող: 31.Աք-ցան: 33.Նոր: 36.Մեքենան վարելու մաս: 37.Երկրի, խորհրդարանի ղեկավար: 41.Գյուղ Սամցխե-Ջա-վախեթիում: 42.Տավար: 45.Միապետների նախ-կին պաշտոնական անվանումը Ռուսաստանում: 47.Հայաստանի ժողովրդական արտիստ ... Խաչ-վանքյան: 48.Աֆրիկյան եւ Եվրոպական երաժշ-տական ոճերի սինթեզման արդյունքում առաջա-ցած երաժշտական արվեստի ձև: 49.Ծովային հս-կա կաթնասուն: 50.Ստորգետնյա կառույց: 51.Էլեկտ-րական հոսանքի լարվածության չափման միա-վոր: 53.Ծխախոտի տեսակ: 54.Ռուսական էստ-րադային երգիչ: 55.Վրաց դերասանուհի ... Սու-խիտաշվիլի: 56.Ամեն ինչին տեղյակ: 57.Փոքր տուն:

ՈՒՂԱՆԱՅԱՑ. 1.Տրվում է ծնված օրից: 2.Վրաց

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Ջալալ: 4.Քաթար: 7.Բալ: 9.Ջալալօղլի: 10.Ջալ: 11.Աթար: 12.Սալի: 17.Էր: 18.Ջի-վանի: 20.Նալիկ: 21.Ալ: 22.Որակ: 24.Կարա: 25.Ռեն: 26.Ադան: 28.Այն: 29.Ուշ: 31.Րեն: 32.Սի: 34.Շեր: 35.Իսանի: 37.Սենատ: 39.Ալի: 40.Չալ: 41.Մանուշ: 42.Դառնալ: 45.Սան: 46.Դաս: 47.Արու: 48.Երեկ: 49.Գալ: 50.Ամիս: 51.Կարին: 53.Ցետկին: 54.Թան: 55.Դեն:

ՈՒՂԱՆԱՅԱՑ. 1.Ջաջուռ: 2.Լալա: 3.Լիլիթ: 4.Քաղցր: 5.Թվիքս: 6.Րաֆֆի: 7.Բագուկ: 8.Լավար: 11.Ապարան: 13.Պալյան: 14.Ջիլ: 15.Ջնելաձե: 16.Ակոռի: 17.Էմանուել: 18.Ջափարիձե: 19.Իսայի: 23.Րե: 24.Կանաչ: 27.Դես: 30.Շրի: 32.Միլան: 33.Ատլաս: 34.Շահնամ: 36.Նամակ: 37.Սյուն: 38.Նու: 42.Դա-վիթ: 43.Արի: 44.Լուսին: 45.Սերս: 46.Դար: 47.Գալ: 52.Նա:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՁԸՈՆԵ 0105, ՃԱՄԸՅՈՒՆ ԺՅՅԵ 5, ՄԵՐ ԽԱՍՏԵՆ ԹԲԻԼԻՍԻ 0105 Գ.Աթոնելի փ. 5
 ԹՅՅԸ. Հեռ. 2990-739, 2990-774
 www.vrastan.ge E-mail: vrastan.press@gmail.com
 Գրանցման վկայական № 4 Կ - 1439
 «ԿՈՆՈՐ» հրատարակչություն

«ՅՐԱՆԵՅՈՆ»
 ՄԺՁԸՈՆԵ, ՆԱՅՅԵՄՅՈՒՆ
 «ВРАСТАН»
 Тбилиси, Грузия
 <VRASTAN>
 Georgia, Tbilisi
 Индекс 66445